

**SAKSFRAMLEGG**

Sakshandsamar: Knut Harald Frøland	Arkivkode: FE-243, FA-V11
Arkivsaksnr: 22/381	Løpenr: 22/7664
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	06.10.2022	050/2022
Kommunestyret		

Straumstønad**06.10.2022 Formannskapet:**

Handsaming i møtet:

Straumstønad, foreslått av Gunn Totland Moss, Kristeleg Folkeparti

Krf oppmodar kommunen til å utbetala kr 3000 til kvar folkeregistrert innbyggjar, som ein eingongsstønad, og eit tilskot for dei ekstra høge straumutgiftene dette året.

Tillegg til framlegg frå rådmann, foreslått av Shirin Kvernes Khadoor, Arbeiderpartiet

Det bør vurderast å legge opp til ei støtte til innbyggjarane i form av stønad til innkjøp av varmpumpe som eit middel for både innsparingar for den enkelte hushaldning, og eit bidrag til å få ned energiforbruket.

Handsaming:

Shirin Kvernes Khadoor (Ap) sette fram eit tilleggsframlegg til ordføraren sitt framlegg.

Gunn Totland Moss (KrF) sette fram framlegg til vedtak.

Det vart først gjennomført røysting der framlegget til ordføraren vart sett opp mot framlegget til Gunn Totland Moss. Framlegget til ordføraren fekk 8 røyster og framlegget til Gunn Totland Moss fekk 1 røyst (Gunn Totland Moss).

Det vart til slutt røysta over tilleggsframlegget til Shirin Kvernes Khadoor. Framlegget vart vedteke med 6 mot 3 røyster.

For	Imot
Knut Harald Frøland (Bl)	Øyvind Røen (Sp)
Lena Tveit (Bl)	Odd Arne Haga (Frp)
Solveig Vassenden (Bl)	Gunn Totland Moss (KrF)
Shirin Kvernes Khadoor (Ap)	
Jon Magne Borgevik (Ap)	

FORM- 050/2022 Vedtak:

Eventuell bruk av generell straumstønad til innbyggjarane bør vurderast som tiltak på planlagt seminar om relativ fattigdom hausten 2022.

Det bør vurderast å legge opp til ei støtte til innbyggjarane i form av stønad til innkjøp av varmpumpe som eit middel for både innsparingar for den enkelte hushaldning, og eit bidrag til å få ned energiforbruket.

Ordførar sitt framlegg til vedtak:

Eventuell bruk av generell straumstønad til innbyggjarane bør vurderast som tiltak på planlagt seminar om relativ fattigdom hausten 2022.

Dokument som er vedlagt:

Straumstønad Samnanger v/ Terje Hoseth Næss og Gunn Totland Moss (Krf)

Kva saka gjeldt

Terje Hoseth Næss og Gunn Totland Moss (Krf) har i e-post 20. september 2022 til rådmann og ordførar oppfordra om at formannskap og kommunestyre kommunen skal nytte deler av auka inntekter for sal av konsesjonskraft som straumstøtte til innbyggjarane i Samnanger kommune.

Som følge av at Eviny har magasinerte kraftanlegg i Samnanger har kommunen rett til årleg å ta ut om lag 22 Gwh i konsesjonskraft. Kommunen sel konsesjonskrafta i straummarknaden og over fleire år har netto inntekta variert mellom 1,5 – 8 MNOK. Men i både 2021 og 2022 har ein opplevd å få betydeleg betre betalt for konsesjonskrafta, og prognosane for både 2023 og 2024 er også gode.

Samnanger kommune har i premiss for budsjett og økonomiplan vedtatt å auka disposisjonsfondet til 30 MNOK. Dette for å sikre at kommunen har pengar i bakhand når det oppstår utgifter som ikkje er budsjettet for. Truleg vil Samnanger kommune nå målsettinga for disposisjonsfondet allereie ved utgangen av 2022, dette som følge av auka inntekter frå sal av konsesjonskrafta.

I mange år har Samnanger kommune sin økonomi vore relativt krevjande, mellom anna har kommunen innført eigedomsskatt på hus og hytter som følge av dette. Tenestekvaliteten kommunen gjev til innbyggjarane har i all hovudsak vore god, mens deler av samfunnsutviklar-roller har vore krevjande for kommunen å ivareta.

Samnanger er ein av få kommunar i Norge som framleis ikkje har fleirbrukshall. Det er eit betydeleg etterslep på vedlikehald av kommunens vegar og bygningar. Me veit og at i dei kommande åra vil kommunen ha eit stort behov for å auka helsetilbodet til dei eldre. Kommunen står overfor betydelege oppgåver i åra som kjem og det vil medføre auka driftskostnader å handtere desse utfordringane. Ei auke i konsesjonskraftinntektene vil vere svært gunstig for å finansiere driftskostnader og bidra til økonomisk handlingsrom for Samnanger kommune. Men me har ikkje noko garanti for at sal av konsesjonskraft gjer kommunen lika gode inntekter om 5 – 10 år som i dag.

Auke i straumprisane har gitt Samnanger kommune auka inntekter, mens dei fleste innbyggjarar, næringsliv og frivillige organisasjonar har fått merke auka kostnader. Til å bøte på denne situasjonen gjev regjeringa straumstønad. Men trass i dette vil nokon erfare å ha spesielt dårlege vilkår.

Me er nyleg gjort kjent med at regjeringa i budsjett for 2023 truleg vil skattlegge konsesjonskraft ekstra som følge av dei ekstraordinære inntekter dette representerer for kommunar. Det er angitt at dette for Samnanger kan gjelde om lag same sum som forslag frå Krf om generell straumstønad vil innebere.

Vurdering og konsekvensar

Prognosar for inntektsåret 2022 viser at kommunen truleg får eit betydeleg overskot. Dette skuldast mellom anna auka inntekter frå sal av konsesjonskraft. Auka inntekter skal komme Samnanger kommune sine innbyggjarar til gode. Dette kan gjerast på ulike måtar. Mellom anna har kommunen allereie i premiss for budsjett og økonomiplan vedtatt at eigedomsskatt for hus og hytter skal halverast frå driftsåret 2023.

I kva grad næringsliv og frivillige organisasjonar i Samnanger opplever ein forverra situasjon vil kunne variere. Eit alternativ her kan vere at næringsliv og frivillige organisasjonar, etter vilkår fastsett av kommunestyre, sender søknad om straumstønad til Samnanger kommune, der søknad blir handsama politisk etter saksutgreiing frå rådmann. I så fall er det viktig å få avklart om ei bedrift eventuelt både kan få statleg straumstønad og kommunal straumstønad.

1. november 2022 er det planlagt eit seminar om den relative fattigdommen som er i Samnanger kommune og kva som eventuelt kan gjerast for å motvirke dette. I den samanheng vil det vere naturleg at framlegg frå Krf om generell straumstønad blir vurdert som eit mogeleg tiltak. I så fall kan eventuell generell straumstønad inngå som del av budsjettprosessen.